



## SAKSPAPIR

| Saksnr  | Utval         | Type | Dato       |
|---------|---------------|------|------------|
| 76/2020 | Kommunestyret | PS   | 27.10.2020 |

| Sakshandsamar  | Arkiv | ArkivsakID |
|----------------|-------|------------|
| Atle Fasteland |       | 20/379     |

### VAKSDAL MØLLE- OPPLEVINGSSENTER - SØKNAD OM STØTTE TIL FORPROSJEKT

#### Vedlegg:

Søknad om støtte til deltajplanlegging og budsjettering av opplevelse-, kompetansesenter og museum Vaksdal mølle.

Info formannskapet Vaksdal kommune. 8. september 2020

#### Rådmannen sitt framlegg til vedtak:

Vaksdal kommune vedtek å støtte arbeidet med utvikling av opplevingssenter Vaksdal Mølle, på Vaksdal med 400 000,-. Summen vert dekket ved å ta av næringsfondet.

Følgjande budsjettendring vert vedteke med sum 400 000,-:

14700.1000.1000 (tilskot)

19500.1000.1000 (finansiering)

Bruk av næringsfond kto. 251080021. (fondet)

#### Kommunestyret - Sak 76/2020

#### KOM - Behandling:

Kommunestyret drøfta saka.

Rådmannen sitt framlegg til vedtak vart samrøystes vedteke.

#### KOM - Tilråding/Vedtak:

Vaksdal kommune vedtek å støtte arbeidet med utvikling av opplevingssenter Vaksdal Mølle, på

Vaksdal med 400 000,-. Summen vert dekkja ved å ta av næringsfondet.

Følgjande budsjettendring vert vedteke med sum 400 000,-:

14700.1000.1000 (tilskot)

19500.1000.1000 (finansiering)

Bruk av næringsfond kto. 251080021. (fondet)

### **Saksopplysningar:**

Ei lokal arbeidsgruppe har i nokre år arbeidd med å få etablert eit opplevings- og aktivitetssenter/ museum knytt til Norgesmøllene sine lokale på Vaksdal.

Norgesmøllene på Vaksdal er ein av få industrilokalitetar i Noreg som har hatt samanhengande verksemd sidan 1866 og som framleis er i drift.

Verksemda speglar på mange måtar samfunnsutviklinga i Noreg i meir enn 150 år:

- Noregshistorie / handel med Europa
- Industrihistorie / etablering av fagrørslar / utvikling av arbeidsvilkår
- Ernæring og kosthald

Det er ein samanheng mellom historisk og dagsaktuell kunnskap. Dette er viktig å formidla til nye generasjonar.

Mølleverksemdene er interessante arbeidsplassar som nyttar moderne teknologi. Verksemdene i Vaksdal kommune er i eit konkurranseforhold til andre mølleverksemdar i eiga konsern. Det er viktig å støtta opp om Vaksdal som ein attraktiv plass.

Prosjektet har i startfasen fått noko tilskot frå Felleskjøpet Agri og Norgesmøllene AS. Arbeidsgruppa har arbeidd overfor fleire alternative finansieringskjelder. Ein står no ved eit skilje; skal ein bruka meir krefter på å skaffa midlar til å få fram eit skisseprosjekt som kan danne grunnlag for vidare arbeid.

Arbeidsgruppa ser det som viktig å få på plass skisseprosjektet for å kunna møte framtidige bidragsytarar og investorar. For å kunna ferdigstilla eit fullverdig skisseprosjekt må ein engasjera arkitekt. Dei eksterne kostnadene er stipulert til kr. 400.000,-. Mykje arbeid vil likevel liggja på arbeidsgruppa. Vaksdal kommune har fått spørsmål om å løyve kr. 400.000,- slik at prosjektet kjem vidare.

Rådmannen vurderer prosjektet som vesentleg i eit historisk perspektiv. Vidare ser rådmannen at eit opplevingssenter på Vaksdal Mølle kan nyttast både i samanheng med opplæring og som ein del av ei framtidig reiselivsatsing. Det ligg, etter rådmannen sitt syn, både historisk, næring og kompetanse potensiale i prosjektet. Rådmannen tilrår at prosjektet får dei midlane dei søker om.

